

մանակ իսկ որպիսին է Ալաշկերտի հիւսիսային սահմանին կից Կապոյա և Թեքե-բինէ լեռնահովիտներն Ալաշկերտի ժողովրդեան՝ իսկ Չաճա և Սինեկ Գարաքիլիսէի, Ալազաղ ևս Ժաղկոտն գաւառի և Բազուանի ժողովրդեան համար:

Այս մեծ լեռնահովիտներն զրիւք բնական անմատչելի բերդեր լինելով՝ երբեմն ոչ միայն Բազրեանդայ՝ այլ ամբողջ Արարատեան նահանգի ժողովրդեան համար ապաստանարան եղած են. ոմանց շուրջն 2—3 քիլոմէթր տարածութեամբ վայր պարսպուած լինելով ցոյց կտան թէ 50,000 կամ 100,000 ընտանիք պատսպարած են:

Իսկ մանր բերդերէ նշանաւորներն են—Աաղարշալկերտի բերդ, որ Թովրադ-գալէի մէջ բլուրի մի գագաթն շինած է. Առուզեթայ բերդ՝ Խալեազի յարևելս. Բիւրապատի բերդ՝ Շեռեանայ գլխու Բիւրապատ գիւղի մօտ բլուրի մի վերայ. Աւեր բերդ՝ հանդէպ Խաստուր գիւղի. Աւեր բերդ՝ մերձ Կեառէ լեռան. Խամուրայ բերդ, ի ձախ Եփրատայ. Ժաղկոտն գաւառին մէջ երկու մեծ և փոքր բլուրներու վերայ հաստատուած Աղ-դէվա կոչուած բերդօրայք. Շոշկայ բերդ՝ Ժաղկոտն գաւառի բարձրն, Ժաղկանց լեռներու կողերու վերայ մի բարձր և սարսափ ազդող ահռելի ժայռի մէջ շինուած է. Բազկայ բերդ, որ հանդէպ Շոշկայ հիւսիսային լեռնաշղթային, Սինեկայ հարաւային կողերուն վերայ շինուած է, ունի այլ և այլ ներքնուղիներ, մէջը տեսնուած է խաղողի որթի արմատ, որ այժմ չաճիր. տեսնուած են օրօրոցաձև տապաններու վերայ մարդու պատկերներ, Աարդանաբերդ՝ Գայլատոյ ծովակի կղզեակին մէջ. Ախտայ լեռան մօտ կան երկու բերդօրայք, երեք հաս ևս Մերկեղերի